

EZĒRA

Sirusu Isarailinɔ gbarɛna

¹ Pesianɔ kí Sirusu kíblena wè káaku guu Dii té kàn le yā kè à dà Yereṃmayane à ò e à ke yānzi. Ben Sirusu kpàakpa kè a b̀sun píngi, gbasa à kè takadan à bè: ² Yā kè mamɔma Sirusu, Pesianɔ kína má òn yè. Dii Luda Musudee tò anduna kpata píngi g̀ ma pò ũ, ben à ma die mà kpé boare Yerusalemu, Yudanɔ b̀sun. ³ Gbè kè de à gbè ũ a té, Luda g̀ kúo à tá Yerusalemu, Yudanɔ b̀sun, à kpé bo Dii Isarailinɔ Luda kè de Dii ũ Yerusalemune gwe. ⁴ Aṣ gbè kè aṣ g̀ p̀nɔ gbèdaaanɔ d̀nle k̀n kondogio k̀n vuraɔ k̀n auzikinɔ k̀n p̀kadeenɔ k̀n Luda kpé kè aṣe gaa bo Yerusalemu gbaanɔ.

⁵ Ben Yudanɔ k̀n Beyāminɔ uabedeenenɔ k̀n sa'orinɔ k̀n Levinɔ k̀n gbè kè Luda té kàngunɔ fèe aṣe gaa Dii kpé bo Yerusalemu. ⁶ Aṣ gbèdaaanɔ ɔ dàrɔmma aṣ ní gbá kondogi p̀nɔ k̀n vura p̀nɔ k̀n auzikinɔ k̀n p̀kadeenɔ k̀n p̀ ɔdeenenɔ k̀n Dii kpé gbaanɔ píngi. ⁷ Ben Pesianɔ kí Sirusu b̀ k̀n Dii kpé p̀ kè Nebukanɛza sèe yā zaa Yerusalemu à kàe a taa kpé guunɔ. ⁸ À bè a ɔ'uteri Mitiredane à p̀ p̀nɔ naro à kpá Yudanɔ kí Sesebazaa, ben à kè le. ⁹ P̀ p̀nɔ pari lén yè:

Vura taa baaakuri,
 kondogi taa b̀ ɔ do,
 tapɛenti baaakuri dosai,
¹⁰ vura togoo baaakuri,
 kondogi togoo wàa plaa k̀n kurio,

ta bori pāndenɔ bɔɔ do.

¹¹ Vura kɔn kondogi taanɔ fɛɛ pɨngi mèn bɔɔ sɔɔro kpé wàa plaa. Kè zìzɔ pìnɔ bɔɛ Babilonu aɔ sù Yerusalemu, ben Sesebaza m̀ kɔn pɔ pìnɔ pɨngi.

2

Zìzɔ kè aɔ sùnɔ

¹ Babilonu kí Nebukanεza Isarailinɔ kùkù zìzɔnɔ ũ yā à tányo Babilonu, ben aɔ gbɛkenɔ b̀ zìzɔkεε pìn aɔ sù Yerusalemu, Yudanɔ b̀sun sa, ben n̄ baade tà a wéte. ² Aɔ dɔn'aεdeenɔn yè: Zerubabeli, Yesua, Nεemaya, Seraya, Relaya, Mɔdekai, Bilisā, Misipa, Bigivai, Reumu kɔn Baanao. Isaraili gɔgbɛ kè aɔ sùnɔ pari lén yè.

³ Parɔsu boriinɔ gɔɔn bɔɔ plaa kɔn mèn basɔraagɔ akuri awεεplaaɔ.

⁴ Sefatia boriinɔ gɔɔn wàa do kɔn mèn basɔraagɔ akuri awεεplaaɔ.

⁵ Ara boriinɔ gɔɔn wàa aagɔ kɔn mèn bakendo sɔɔrosaio.

⁶ Pamɔabu borii kè aɔɔ de Yesua kɔn Yoabuo boriinɔ ũunɔ gɔɔn wàa g̃ero dosai kɔn kuri awεεplaaɔ.

⁷ Elamu boriinɔ gɔɔn wàa swεεdo kɔn mèn baplaa akuri awεεsiigɔɔ.

⁸ Zatu boriinɔ gɔɔn wàa siigɔ kɔn mèn baswεεplaa aɔɔroo.

⁹ Zakai boriinɔ gɔɔn wàa aagɔ kɔn mèn basɔraagɔɔ.

¹⁰ Bani boriinɔ gɔɔn wàa aagɔ kɔn mèn baplaa awεεplaaɔ.

¹¹ Bebai boriinɔ gɔɔn wàa aagɔ kɔn mèn baro awεε'aagɔɔ.

12 Azagada boriino gᵛoon wàa swēedo kōn mèn baro awēēplaa.

13 Adonikamu boriino gᵛoon wàa aagᵛ kōn mèn baaagᵛ awēēswēedoo.

14 Bigivai boriino gᵛoon boro plaa kōn mèn baplaa akuri awēēswēedoo.

15 Adini boriino gᵛoon wàa plaa kōn mèn baplaa akuri awēēsiigᵛo.

16 Ata boriino gᵛoon basoro plaasai.

17 Bezai boriino gᵛoon wàa do kōn mèn baswēedo awēē'aagᵛo.

18 Yora boriino gᵛoon basoro akuri awēēplaa.

19 Asumu boriino gᵛoon wàa do kōn mèn baro awēē'aagᵛo.

20 Giba boriino gᵛoon basoro sorosai.

21 Betelēmudeeno gᵛoon baswēedo awēē'aagᵛ.

22 Netofadeeno gᵛoon baplaa akuri awēēswēedo.

23 Anatodeeno gᵛoon baswēedo akuri plaasai.

24 Azamavēdeeno gᵛoon baplaa awēēplaa.

25 Kiriayarimudeeno kōn Kefiradeeno kōn Berodeeno gᵛoon wàa aagᵛ kōn mèn baswēēplaa awēē'aagᵛo.

26 Ramadeeno kōn Gebadeeno gᵛoon wàa aagᵛ kōn mèn baro awēēdoo.

27 Mikimasadeeno gᵛoon baswēedo awēēplaa.

28 Betelideeno kōn Aideeno gᵛoon wàa do kōn mèn baro awēē'aagᵛo.

29 Nebodeeno gᵛoon baplaa akuri awēēplaa.

30 Magbisodeeno gᵛoon baswēēplaa akuri awēēswēedo.

31 Elamu pānde boriino gᵛoon wàa swēedo kōn mèn baplaa akuri awēēsiigᵛo.

32 Arimu boriino gɔɔn wàa do kɔn mèn baswεεdo.

33 Lodudeeno kɔn Adidideeno kɔn Onodeeno gɔɔn wàa aagɔ kɔn mèn baswεεdo asɔɔroo.

34 Yεrikodeeno gɔɔn wàa do kɔn mèn baswεεplaa asɔɔroo.

35 Senadeeno gɔɔn wàa baro plaasai kɔn mèn baaakurio.

36 Sa'ori borii kè aɔ sùnɔn yè:

Yesua bori Yedaya boriino gɔɔn wàa siigɔ kɔn mèn basɔraagɔ akuri awεε'aagɔ.

37 Ima boriino gɔɔn bɔɔ do kɔn mèn baplaa akuri awεεplaa.

38 Pasu boriino gɔɔn wàa swεεdo kɔn mèn baplaa awεεswεεplaa.

39 Arimu boriino gɔɔn bɔɔ do kɔn mèn gεero awεεplaa.

40 Levi kè aɔ sùnɔn yè:

Odavia bori Yesua kɔn Kadamielio boriino gɔɔn baaagɔ akuri awεεsiigɔ.

41 Asafa bori lèsirino gɔɔn baswεεdo akuri plaa-sai.

42 Zédákpari kè aɔ de Salumu kɔn Atao kɔn Talamo kɔn Akubuo kɔn Atitao kɔn Sobaio borii ũuno gɔɔn baswεεplaa dosai.

43 Ghε kènɔ boriino bé Luda ua zīkerino ũ:

Zia, Asufa, Tabao,

44 Kerosu, Sia, Padɔ,

45 Lebana, Agabu, Akubu,

46 Agabu, Salamai, Anana,

47 Gideli, Gaa, Raya,

48 Rezī, Nεkoda, Gazamu,

49 Uza, Pasea, Besai,

50 Asana, Mεunimu, Nεfusimu,

51 Bakabuku, Akufa, Aru,

52 Bazalu, Mēida, Asa,

53 Bakosi, Sisera, Tema,

54 Nēzia kōn Atifao.

55 Sulemanu zòbleri kēno boriino bé wà bò zìzòkēen wà sù:

Sotai, Asofere, Peruda,

56 Yaala, Dakō, Gideli,

57 Sefatia, Atili, Pòkere Azebaimu kōn Amio.

58 Luda ua zīkeri pìno kōn Sulemanu zòbleri borii pìno kà gōon wàa do kōn mèn bakēndo akuri awēēplaa.

59 Gbēkeno bò Telēmela kōn Telasao kōn Kerubuo kōn Adōo kōn Ima o, ben aōe e wà n bori bōzia ònne kè Isarailinon n úro. 60 Delaya kōn Tobiao kōn Nēkodao boriinome, aō kà gōon wàa aagō kōn mèn baplaa akuri awēēplaa. 61 Sa'ori borii kè aō de Obaya kōn Akozuo kōn Bazilaio boriino ūu sù dō. Bazilai pì Giliada bùsu gbē Bazilai né sè yā, ben à a anzure pì tó sè. 62 Gbē pìno n tó wète bori bōzia takadan, mōde aōe bōaro, ben wà gínne sa'orikēo. 63 Bùsu dōn'aedee bènnē, tó èe kē sa'ori n yā gwà kōn Urimuo kōn Tumimuo baasiro, aōton sa'opo blero.

64 Gbē pìno n píngi gōon bōro baplaa awēēplaa kpé wàa do kōn basōraagōme. 65 Aō zòbleri gōgbēno kōn nōgbēno kuu dō gōon bōro swēēplaa kpé wàa do kōn baswēedo akuri awēeswēēplaa. Lèsirino gōgbē kōn nōgbēo kúnyo dō gōon wàa do. 66 Aō sō vī mèn wàa aagō kōn baswēedo akuri awēeswēedo, bāagāsō mèn wàa do kōn baplaa aōoro, 67 lakumi wàa plaa kōn baplaa sōrosaio, zaaki bōro swēedo kpé wàa aagō kōn baswēedo.

68 Kè aǎ kà Dii kpé bokiia Yerusalemu, aǎ uabedeeno gba dàda le wà e wà Luda kpé keke wà boo a gbèn. 69 Aǎ gba dà kpé zī ɔɔdakii guu n̄ gbāa lén, vura kiloo wāa plaa kpé basɔɔro, kondogi tɔn aagɔ kɔn sa'ori gyabano basɔɔro. 70 Sa'orino kɔn Levinɔ kɔn lèsirino kɔn zédākparino kɔn Luda ua zīkerino kɔn gbē kpaa keno v̄ēv̄ē lakutu kè wà kèkènneno guu, ben Isaraili kpaaano v̄ē n̄ wéteno guu.

3

Dii gbāgbāki bona

1 Kè w̄e mɔ swēēplaadee kà, Isarailino v̄ēena n̄ wéteno guu, ben aǎ kɔ kàkɔa Yerusalemu gbē d̄ɔnkɔ ũ. 2 Yozadaka né Yesua kɔn a sa'ori daano kɔn Sealatieli né Zerubabelio kɔn a gbēno Isarailino Luda gbāgbākii bò, le wà sa'opo kè wè ká tén à té kũ oa lán Luda gbē Musa ò a doka guu nà. 3 Baa kè aǎo v̄ia kee gbē kè aǎo kú b̄usu p̄i guunone, aǎ gbāgbākii p̄i bò a gb̄emme, ben aǎ sa'opo kè wè ká tén à té kũ ò Diia kongo kɔn uusieo. 4 Aǎ Kutadona zībaa kè lán à kú takada guu nà, aǎgɔ sa'opo kè wè ká tén à té kũ oo lán guu e dɔo nà lán wà à lé diē nà. 5 Beee gbera aǎ sa'opo kè wègɔ ká tén à té kũ gurɔ píngi ò kɔn mɔ dufu p̄o kɔn zībaa kè Dii dieno p̄o kɔn gbaa kè wè m̄oneno. 6 Mɔ swēēplaade gurɔ káaku zīn aǎ nà Dii gbāgbānaa le, baa kè wèe à kpé bo k̄oro.

7 Aǎ ɔo kpà gbè'arino kɔn lí'arino, ben aǎ p̄oble kɔn íminao kɔn n̄sio kpà Sid̄o deeno kɔn Tayadeeno, le aǎ sida lí z̄z̄z̄ Lebanɔ b̄usun aǎ yiyi wà gáo ai Yɔpa funa ísiaala, lán Pesiano kína Sirusu n̄ gbá zé nà. 8 Aǎ kana Luda kpé bokiia Yerusalemu

wè plaade mɔ plaadee guu, Sealatieli né Zerubabeli kɔn Yozadaka né Yesuao nà zīia kɔn n gbē kpaaano, sa'orino kɔn Levinɔ kɔn gbē kè aɔ bò zīzɔkeɛn wà sù Yerusalemunɔ n pīngi. Aɔ Levi kè aɔ kà wè baro ke aɔ dealaano diè Dii kpé zīi pì gbēnsino ũ. ⁹ Yesua kɔn a boriino nàkɔa kɔn Kadamielio kɔn à né Odavia boriino, ben aɔ gɔ zīi pì gbēnsino ũ kɔn Enadadao kɔn à boriino. Levinome n pīngi. ¹⁰ Kè Dii kpéborino e kpé pì ēe daee, sa'orino zezē gwe sa'ori pókāsāano dadana, aɔ n kuuno kūkūna, bensɔ Levi né Asafa boriino kú gwe dɔ kɔn sègēno lē wà Dii táaki léo, lán Isarailino kí Dauda diè yā nà. ¹¹ Aɔ lè sɔ aɔ Dii táaki lè aɔ à sáabu kpà wà bè: Dii maa, à gbēkeee kena wa Isarailinoe yāana vīro. Ben baade pīngi wii gbāaa lè aɔ Dii táaki lè, kè wà Dii kpé ēe dàe yānzi. ¹² Mɔde sa'ori parideeno kɔn Levinɔ kɔn bedee kè aɔ zi kù aɔ wée sɔ kpé káakulenɔ, kè aɔ kpé pì ēbona è, aɔ sósobi ɔ dɔ. Gbē parideeno sɔ, aɔwe pɔnna wii lē. ¹³ Gbēkee e pɔnna wiii dɔkɔzi kɔn sósobi ɔ kè wèe dɔɔo dɔro, kè baade e wii gbāaa lē yānzi, bensɔ wà wisɔ pì mà zā.

4

Íbetekpana kɔn Dii kpéborino

¹ Kè Yudanɔ kɔn Beyāmino ibeeno mà zīzɔ kè aɔ sùnɔ e kpé boo Dii Isarailino Ludane, ² aɔ mò wà Zerubabeli kɔn uabedeeno lè aɔ bèné: À tó wà kpé boao, zaake wèe a Luda kii wete lán a bame se. Weegɔ à gbāgbāame zaa gurɔ kè Asiriano kí Esaradɔ sùwao kè. ³ Ben Zerubabeli kɔn Yesuao kɔn Isaraili bedee kpaaano bèné: Wa Luda kpé bona

de a yā ūro. Wé wa pó bo Dii Isarailinɔ Ludane watɛɛ lán Pesianɔ kí Sirusu diewe nà. ⁴ Ben bùsu pì deenɔ e weteɛ aɔ Yudanɔ nòse yaka, aɔɔe wée tãámma le aɔton kpé pì boro yãzi. ⁵ Aɔ fíã bò kína lédammarinɔne zaa Sirusu gurɔɔ ai à gàa pé Pesianɔ kí Dariusu kíblegurɔɔa, ben aɔ gínne kɔn yã kè aɔɔe pɛɛaɔ.

⁶ Aɔ takada kè Asuerune à kíblenao gɔɔ, aɔ gbɛ kè aɔ kú Yerusalemunɔ kɔn Yudanɔ bùsuo píngi káara kpà à kiia. ⁷ Bisilamu kɔn Mitiredao kɔn Tabelio kɔn n gbɛ kpaaanɔ takada kè Pesianɔ kí Ataseseɛe dɔ à kíblegurɔɔa. Aɔ kène kɔn Siria yã, ben wà bòkɔtenɛ. ⁸ Bùsu gbɛnsi Reumu kɔn a takadakɛri Simisaio takada kè kí Ataseseɛe Yerusalemu yã musu dɔ wà bè: ⁹ Bùsu gbɛnsi Reumu kɔn a takadakɛri Simisaio kɔn n gbɛ kpaa yãkpaekerinɔ kɔn gbãadeenɔ kɔn Tiripolideenɔ kɔn Pesianɔ kɔn Erekideenɔ kɔn Babilɔnudeenɔ kɔn Susadee kè aɔ bèe Elamu bùsu guunɔ ¹⁰ kɔn gbɛ kè kína bíta bèede Asubanipali n bóe n bùsun à n vɛɛvɛɛ Samaria wéten kɔn Yuflati baa kè kpa gu pãndenɔ, ¹¹ wamɔwa Yuflati baakekpadeenɔ n zòblerinɔ bé wà takada kè kènnɛ, kí Atasese, wa bè:

¹² Kí, ñgɔ dɔ kè Yuda kè aɔ bò n kiia aɔ sù kènɔ gàa wèe Yerusalemu wéte zaa pãsi pì kaɛɛ, aɔ èara wèe à bii boo dɔ, aɔɔe à bezĩ fɛɛɛ. ¹³ Kí, ñgɔ dɔ dɔ, tó aɔ èara wà wéte pì kàe aɔ à bii bò wà yãa, aɔé tángba kpámma dɔro ke yàra'ɔɔ ke bùsu'ɔɔ, n ɔɔ kè neɛ sí é lago. ¹⁴ Tia lán kè bà kí, lán n be wisin weè ble nà, èe kɔ sío wà n kpɛɛ ero. Bee yãzin wa takada kèkii kpãsannezi le wà yã pì onne. ¹⁵ Ñ wete n dezinɔ takadanɔ guu n gwa, né e n dɔ dia wéte pì deenɔ swã

gbāa, aō ĩa dà kĭnanɔ kōn būsɔ gbāadeenɔ. Zaa zi wéte pì deenɔ yākete kè bíta. Beee yānzin wà wéte pì gbòrozi. ¹⁶ Kí, wée oonne, tó wà èara wà wéte pì fèe wà èara wà à bĭi bò wà yàa, négō pòke vĭ Yuflati baa kè kpa dɔro.

¹⁷ Beee gbɛra kĭna takada kpāsāñne à bè: Būsɔ gbēnsi Reumu kōn à takadakēri Simisaio kōn a gbē kpaana kè aō kú Samaria kōn Yuflati baa kāa kpaanɔ, ma ì kpàawa. ¹⁸ Takada kè á kpāsāmɛ, wà à kyó kè wà bòkōtɛmɛ. ¹⁹ Ma bè wà wete takada ziinɔ guu, ben wà è yāpuramɛ, wéte pì deenɔ ègō bɔɔ kĭnanɔ kpɛemɛ. Zaa zi yāketedeemɛ. ²⁰ Kĭna ìsinɔ kpata blè Yerusalemu gwe, aō gbāaa blè Yuflati baakāakpadeenɔ ñ píngi, wà tángba kpàrĭmma kōn yàra'ɔɔɔ kōn būsɔ'ɔɔɔ. ²¹ À yā die gbē pìnɔne aō kámma bo sa. Aōton èara wà wéte pì vuro ai mà ñ gba lé. ²² À làakari ke! Àton nigāzĭi kpá yā piziro, le à zaaa pì tón ɔ tá à wa ásarɔ kero yānzi.

²³ Kè wà kí Atasese lá pì kyó kè wà bòkōtɛ Reumunɛ kōn à takadakēri Simisaio kōn ñ gbē kpaanɔ, ben aō fèe wà gaa wà Yudanɔ lè Yerusalemu gōɔ. Aō gĭñne pāsĭpāsĭ wà bè aō kámma bo. ²⁴ Len aō kámma bò le kōn Luda kpé zĭi kè aōɔe kee Yerusalemu ai Pesianɔ kí Dariusu kĭblena wè plaadee guu.

5

Tatenai takadakēna kí Dariusunɛ

¹ Annabi Agai kōn annabi Zakari, Ido néo annabikee kè Yuda kè aō kú Yerusalemunɔ kōn Yudanɔ būsɔ kōn Isarailinɔ Luda tō. ² Ben Sealatieli né Zerubabeli kōn Yozadaka né Yesuao fèe wà nà

Luda kpé bonaa Yerusalemu. Luda annabi pìnɔɔ kúnyo aɔɔe dɔɔnle. ³ Gwe gɔɔ Yuflati baa kè kpa dɔn'aede Tatenai kɔn Seta Bozenaio kɔn n gbɛnɔ mɔ wà n lé aɔ n lá wà bè: Dé bé à a gba zé à kpé kè kèkè à boo? ⁴ Aɔ gbɛ kè aɔɔe kpé pì boonɔ tó gbèka dɔ. ⁵ Mɔde Ludaa e wée té Yuda gbɛnsi pìnɔzi, ben aɔɔe oñne aɔ kámma boro. Aɔ bè weé lékpásá ke Dariusune gĩa, weé takada kè eé kè à yá musu e. ⁶ Yuflati baa kè kpa dɔn'aede Tatenai kɔn Seta Bozenaio kɔn n gbɛ Pesianɔ takada kè, ben aɔ kpásá kí Dariusune. ⁷ Lékpásá kè aɔ kènen yè, aɔ bè:

Kí Dariusu, wa ì kpàmma maamaa. ⁸ Kí, ñgɔ dɔ kè wa gaa Yudanɔ busun ai Luda kè bíta kpén. Wèe kpé pì boo kɔn gbè gbɛntɛnɔ wèe lí lèetɛge kpaɛe kpé pì gùnɔn. Wèe zii pì kee kɔn làakario èe táa oo. ⁹ Wa yá làla n gbɛnsinɔa wa bè: Dé bé à a gba zé à kpé kèkii kèkè à boo? ¹⁰ Wa n tó gbèka le wà e wà onne, ben wa n dɔn'aedee pìnɔ tó dà takadan. ¹¹ Dia aɔ yá siwala nà n yè. Aɔ bè, musu kɔn tɔɔteo Luda zɔblerinɔn n ũ. Kpé kè wà bò yá à wè kèn wà kèkè wèe boo dɔ. Isarailinɔ kí bíta bé à bò yá. ¹² Aɔ bè n dezinɔ Luda Musude pɔ fè, ben à n ná Kaladia bori Nebukanɛza, Babilɔnu kínane a ɔzĩ, ben à kpé pì wìwi à gbɛ pìnɔ sèe à tànyo Babilɔnu. ¹³ Mɔde Babilɔnu kí Sirusu kíblena wè káaku guu à yá diè à bè wà ɛara wà Luda kpé pì bo dɔ. ¹⁴ Baa vura kɔn kondogi pɔ kè Nebukanɛza sèe Luda kpén zaa Yerusalemu à kàe a táa kpén Babilɔnunɔ, kí Sirusu bɔe à kpà Sesebaza kè à diè busu dɔn'aedee ũua. ¹⁵ À bène à pɔ pìnɔ sé à gá à káe Luda kpén zaa Yerusalemu, tó wà kpé pì kèkè wà bò. ¹⁶ Ben

Sesebaza mò Luda kpé ɛɛ dàɛ. Wèe kpé pì boo zaa gurɔ beeeaa ai kɔ̃n a gbàao, mɔde èe yāa kòro. ¹⁷ Kí, tó à kènnɛ maa, ò takada wɛtɛ kɪnanɔ takadakaɛkiia zaa Babilɔnu ò gwa tó kí Sirusu yā diɛ wà Luda kpé bo Yerusalemu. Lán n̄ è nà, ò lékpāsā kɛwe.

6

Dariusu yādiɛna Luda kpé bona yā musu

¹ Kí Dariusu yā diɛ, ben wà takada wɛtɛ takada kè wà kàɛ Babilɔnu takadakaɛkiianɔ té. ² Ben wà bò takada kokonaa ɛkebatana wɛtɛ bīideen Midiā būsun. Yā kèkii kú à guu lɛ wàton sãño yãnzì:

³ Kí Sirusu kíblena wè káaku guu à yā diɛ Luda kpé kè kuu Yerusalemu musu, à bè wà kpé pì bo sa'okii ũ. Wà à ɛɛ daɛ, kpé pì lezì ká gāsāsuu baaagɔ, à yàasa gāsāsuu baaagɔ. ⁴ Wàgae gbè gbèntɛ mèn aagɔɔ didikɔa, lí lèetɛgɛ mèn do, gbè gbèntɛ aagɔ, lí lèetɛgɛ mèn do. Weé à fīa bo kɔ̃n kíbɛ ɔɔo. ⁵ Vura kɔ̃n kondogi pó kè Nebukanɛza sèɛ Luda kpén Yerusalemu à sùo Babilɔnunɔ sɔ, weé ɛara wà gá káɛ à gbèn Luda kpén Yerusalemu.

⁶ Ben kí Dariusu lékpāsā kè à bè: Tia sa Yuflati baa kãa dɔn'aɛde Tatenai kɔ̃n Seta Bozenaio kɔ̃n a gbɛ kè aɔɔ kú Yuflati baa gweenɔ, à a zīnda gá gwe.

⁷ À Luda kpé bòrinɔ tó tɛɛɛ. À tó Yuda dɔn'aɛdeenɔ kɔ̃n n̄ gbènsinɔ Luda kpé pì kɛkɛ wà bo. ⁸ Mée yā kè àton kɛ Yuda gbènsinɔnɛ Luda kpé pì bona musu diɛɛare. À pó kè aɔɔ yezinɔ sée ma auzikikaɛkiin gwe kɔ̃n Yuflati baa kãa kpa tángba kè wà kpào, à kpámma píngi lɛ zīi pì tón zɛ dɔro yãnzì. ⁹ Pó kè aɔɔ yezi píngi, zùswaree, sākaro, sãne bòro kè aɛè Luda Musude gbāgbāo, pówɛɛ, wisi, geepiwɛɛ, nósi, àgɔ

kpaa Yerusalemu sa'orinɔ lán guu e dɔɔ nà lán aɔɔ gbèka nà funa sai, ¹⁰ ɛ aɔ e wà saa kè kà Luda Musuden oa, aɔ wéε keame kɔn ma négɔgbɛnɔ. ¹¹ Tó gbèke yā kè má diε kèkii liε, weé adee kpé lí wo wà à páa wà péε wà à bεε ke tuburaa ũ. ¹² Tó kína ke bori kee e wεtεε à yā pì liε ke èe wεtεε à Luda kpé kè kú Yerusalemu pì wí, Luda kè tò a tó kúa à kaate. Mamɔma Dariusu mámbe ma yā pì diε. Wà zīi kea maamaa.

Luda kpé kyakɛna

¹³ Kè kí Dariusu lékpāsā pì kè ɛ, Yuflati baa kè kpa dɔn'aede Tatenai kɔn Seta Bozenaio kɔn ń gbɛnɔ yā pì kè kɔn làakarío. ¹⁴ Ben Yuda gbɛnsinɔ kpébona e gaa aε lán annabi Agai kɔn annabi Zakari Ido néo annabikεε kè nà. Aɔ kpé pì dɔ wà yāa lán Isarailinɔ Ludaa ò nà, lán Pesianɔ kɔnanɔ Sirusu kɔn Dariusuo kɔn Atasεsεo à yā diε nà. ¹⁵ Aɔ Luda kpé mì dè Ada gurɔ aagɔdee zī kí Dariusu kíblena wè swεedodee guu. ¹⁶ Ben Isarailinɔ Luda kpé kyakè kɔn pɔnnaao, sa'orinɔ kɔn Levinɔ kɔn gbè kpaa kè aɔ sù kɔn zìzɔkεεonɔ ń píngi. ¹⁷ Luda kpé kyakɛna pì yānzi aɔ saa ò kɔn zùswareenɔ mèn basɔro kɔn sākaronɔ mèn wàa do kɔn sāne bɔrɔnɔ mèn wàa plaa, ben aɔ saa ò kɔn blèkofīinɔ mèn kuri awεεplaa Isaraili bori pari lén aɔ píngi durun agbaakpabɔ ũ.

¹⁸ Aɔ sa'orinɔ diēdiē gāli kɔn gālio, ben aɔ Levinɔ diēdiē gāli kɔn gālio dɔ ɛ aɔ zīi ke Ludane Yerusalemu lán à kú Musa takada guu nà. ¹⁹ Mɔ káaku gurɔ kuri awεεsiigɔdee zī, zìzɔ kè aɔ sù pìnɔ Banla zībaa kè. ²⁰ Sa'orinɔ kɔn Levinɔ gbāsī bò ń zīndan aɔ gɔ gbāsī sai ń píngi, ben aɔ Banla sā kòto kpàkpa zìzɔ kè aɔ sùnɔne kɔn ń sa'ori daanɔ

póo kǒn n̄ zĩnda pǒo. ²¹ Isaraili zĩzǒ kè aǒ sù pìno bé wà sò kǒn gbě kè aǒ n̄ zĩnda kè bori pǎndenǒ yǎbēekenanǒ aǒe Dii Isarailinǒ Luda kii wεεεnǒ. ²² Ben aǒ Burēdi Sése'ēzēsai zĩbaa kè kǒn pǒnnaao ai gurǒ swεεplaa. Dii tò aǒ pǒo kè nna, zaake à tò Asirianǒ kína n̄se liε n̄ yǎ musu, ben à dǒn̄le à kpé bona zĩ guu, Isarailinǒ Luda pì.

7

Ezera su à Yerusalemu sorukena

¹⁻⁵ Yǎ beeenǒ gbera Pesianǒ kí Atasεεe kíblegurǒoa Ezera bò Babilǒnu à sù. Sa'oriki isi Aruna bé à Elεaza ì, Elεaza Finεasi ì, Finεasi Abisua ì, Abisua Buki ì, Buki Uzi ì, Uzi Zeraya ì, Zeraya Merayo ì, Merayo Azaria ì, Azaria Amaria ì, Amaria Aitubu ì, Aitubu Zadǒki ì, Zadǒki Salumu ì, Salumu Ilikia ì, Ilikia Azaria ì, Azaria Seraya ì, ben Seraya Ezera pì ì. ⁶ Ezera né yǎdannεrimε, à Musa doka kè Dii Isarailinǒ Ludaa diε dǒ sǎnsǎn. Lán Dii à Luda ɔ kúa nà, kína pǒ kè à wéε kèa kpàa píngi. ⁷ Kí Atasεεe kíblena wè swεεplaadee guu Isaraili kenǒ sù Yerusalemu dǒ. Sa'orinǒo kú n̄ té kǒn Levinǒ kǒn lèsirinǒ kǒn zédǎkparinǒ kǒn Luda ua zĩkerinǒ. ⁸ Ezera kà Yerusalemu kína kíblena wè swεεplaadee mǒ ɔɔrodee guu. ⁹ À fεε Babilǒnu mǒ káaku gurǒ káaku zĩ, ben à kà Yerusalemu mǒ ɔɔro gurǒ káaku zĩ. À Luda ɔ kúa, ¹⁰ zaake Ezera mè kpà Dii doka wàaripanaa kǒn à kenao, le à e à yǎdienanǒ kǒn à dokayǎnǒ dada Isarailinǒe.

Takada kè kí Atasεεe kpà Ezeraa

¹¹ Takada kè kí Atasεεe kpà sa'ori Ezeraa yǎn yè, kè è Dii yǎdienanǒ kǒn à dokayǎnǒ da Isarailinǒe.

12 Atasese, kínano kí bé à takada kèkii kè Luda Musude dokadanneri sa'ori Ezerane. Ma ì kpàmma.
 13 Ma yā diε, ma bè Isaraili ke sa'ori ke Levi kè kú ma būsun kè yezi à gányo Yerusalemu gá. 14 Mapi kōn ma ìba gōon swεεplaaano bé wa n gbare, le ñ gá Yerusalemu kōn Yudano būsuo píngi yā gwagwa n Luda doka kè ñ kūna musu. 15 Ñ kondogi kōn vura kè mapi kōn ma ìbano wa Isarailino Luda kè à bee kú Yerusalemu gbà sée ñ gáo 16 kōn kondogio kōn vura kè ñ è Babilonu būsun-o píngi kōn pó kè gbēno kōn sa'orinoo kpà ñ Luda kpé pó ũ Yerusalemuo. 17 Ñ zūswareeno kōn sākaronō kōn sāne bōronō lúlu kōn oo pio n làakaria ñ saa kè oo n Luda kpé gbāgbākiia zaa Yerusalemu kōn flawa gbaao kōn pómīna gbaao.
 18 Mpi kōn n gbēno à ke kōn kondogio kōn vura kè gōo lán à kèare maa nà, lán a Ludaa yezi nà. 19 Ñ pó kè wà nānne n ozi n Luda kpé donzikebo ũuno kpá Luda kè kú Yerusalemu pīa. 20 Tó ñ ye Luda kpé pó kpaaanozi, tó à kekēna gō n yā ũme, ñ sé ma làasin gwe. 21 Ma kí Atasese, ma yā diε Yuflati baa kāa kpa oo'uterino ñ píngi. À wéekēe kè Luda Musude dokadanneri sa'ori Ezera kèawa kpáa gōo píngi. 22 Kondogi tón de tōn aagōolaro. Pówee tón de tōn baaakurilaro. Geepiwē kōn nōsio tón de lita wāa basooorolaro. Wisi sō, lán à yezi nà lén. 23 Lán Luda Musudee diε píngi nà, à kpá gōo à kpé pó ũ, le àton pētē ke kōn ma kíkēeo ke kōn ma nēnooro.
 24 Àgō dō sō kè á zé vī à tángba ke yàra'oo ke be'oo sí Luda ua pī zīkerinōaro ke sa'orino ke Levinō ke lēsirinō ke zédākparino ke zīkeri pāndeno.
 25 Mpi sō Ezera, ñ yākpækērinō kōn yāgōgōrinō diēdiē ōndōo kè n Ludaa kpàmma lén, le aōgae yā

kekε a zεa gbε kε aɔɔ kú Yuflati baa kãa kpaanɔne n pínɡi. Aɔégɔ de gbε kε aɔɔ n Luda doka dɔɔɔnɔ ũ. Gbε kε aɔɔ dɔroonɔ sɔ, n dadańne. ²⁶ Gbε kε n Luda doka kɔn bɔsu dokao kũna ɔplaplaaro, weé yã daàla, à deɔna ke à bɔna bɔsun ke à auziki sinaa ke à dana kpésiaann yoo.

²⁷ Ben Ezera bè: Wà Dii wa dezinɔ Luda sáabu kpá! À laasuu maaa dà kɔnanε a swɛn, ben kɔna pì gbãaa kpà à kpé kε kú Yerusalemua le. ²⁸ À tò ma yã kà kɔna kɔn a ìbanɔn kɔn à kí gbãade daanɔ n pínɡi. Lán Dii ma Luda ɔ kúma nà, ma kù kε gbãa, ben ma Isaraili dɔn'aεdeenɔ kàkɔa aɔ gámao.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5